

Gui'ch bacaa San Judas

Rugajpdioz Judas bén naj ree bén gule Dios

¹ Naj, Judas bijch Santiaaw, cayünan sirv Jesucrist, cucan gui'ch guie par lëjt najdi bén ma gulej dux Dad ree Dios guial rënman lëjt, abi' dux Dad ree Jesucrist canaj lëjt. ² Gusnuu yaya Dios lëjt, yabe'cdxeman luxdoodi guiën tëëdi laaman.

*Bén ad rnietree diidxlí
(2Pe. 2:1-17)*

³ Gradi compniar raliduladx ree Jesucrist, rënán lëjt, diizd gocli guyënan nixhialan gui'ch lojdi, din gagbeedi xcwent xhienaaq naj perdon ni raya'p ree delant loj Dios, per yan ma bidxin dxej rüjn naguiejn gaxhalan gui'ch guie lojdi din ganin lojdi din guiniadi guialrliladx ni ma raya'p ree, ni nayaaloj, guial nayajc ree xbejn Jesucrist. ⁴ Din yu' ree bén rüjn bén rliladx naabzi par go'ch reeman lojdi. Bén guin ree diizd gocli ma ragbee Dios guial rayal reeman casti, din ad rdxebt reeman laaman, rudxiib reeman guijc naj Dios benza'c, abi' naban reeman zi'ctzi rën reeman. Ad rtiëjt reeman nabee Jesucrist laa reeman, laaman naj tibzi dux Dad ree bén rniabee dunuj ree.

⁵ Majsi ma ragbeedi ni ganin lëjt, per ganinan din gusaadaladxi guial majsi babëë Dios bén Israel ree Egipto, per despuejs banijtaman bén ad bililadxt ree laaman. ⁶ Në ree anjl ad bazoobt xtiidx Dios niniabee reeman lod badëëman loj reeman, basiaawaman laa reeman lod nacay da't

xt dxej güün xguialguxtisaman. ⁷ Nëtëë ree bén Sodoma con ree bén Gomorra con ree guiedx gure gajxh, ad laat gubajn reeman, been reeman gra loj nidxuudx zi'ctzi guyën reeman, zeel basagzi Dios laa reeman, banijtaman baze'c téeeman laa reeman, laan naj ni rayal yaguiaa ree chitëë yaguieen ree zian.

⁸ Per ni'ctzi zian, yan ziangajc rüjn ree bén raguiil mod par go'chzi reeman lojdi, rüjn reeman xgab guial zajc güün reeman zi'ctzi rën reeman, ruxhiin laagajc reeman, ad rtiëjb téeet reeman nabee Jesucrist laa reeman, rnieeguijdx téeet reeman bén naj ree xianjl Dios. ⁹ Per chi gudildiidx ree arcangel Miguel con xindxab guijc xcuerp Moisejs, ni'quid bayaxt anjl guin niëjbaman diidxguijdx loj xindxab guin, tibzni ni rebaman naj: "Ladxaa Dios gusa'nan lüj." ¹⁰ Abi' yan bén raguiil gajc ree mod go'ch reeman lojdi, rnieeguijdx reeman ni ad rignia't reeman, per nidxuudx rüjn reeman, ad rüjnt reeman laan xgab, contzi rüjn reeman laan zi'c ree be guial ad rüjnt reeb xgab. Zian cusëëb laagajc reeman delant loj Dios.

¹¹ ¡Prob laa reeman!, guial zinal reeman ni mal zi'c been Caín, mazri zinal reeman milia zi'c been Balaam, guiet téeet reeman zi'c güt Coré chi guyënman niniabeeman luar Moisejs. ¹² Laagajc reeman ruxhiin lanij rüjndi chi rado'pidi din gawidi tibzni, guidiblagaa ad ratut reeman raw reeman ad rüjn téeet reeman xgab por ree bejn, rüjnz reeman xgab par cha lén reeman. Naj reeman zi'c zaj ni ad nët guia ni rinë bi, zi'c ree yag rbiidx abi' ria'xh reen guial ad rtiat reen. ¹³ Naj reeman zi'c xtüjp nijsdoo chi rajsan zro' da't, din zi'c ririi

bichijn loj nijs guin, ziangajc sin guialxtu rüjn reeman nidxuudx ree, naj tëë reeman zi'c ree bajl xanyabaa ni basëëb xnejz, dxel tiblayaa ma rayal reeman lod nacay da't.

¹⁴ Abi' bén brii laj Enoc, laaman gojc gajdx loj ree xdiaa Adán, guneman xcwent ree bén guin chi rëbaman: “Naj baguiaa dux Dad Dios zidnë zien da't ree xianjlaman ¹⁵ zidgaguieen xguial-guxtisaman con gra ree bejn, din guiëbaman xhie casti rayal ree benmal por gra ni mal been reeman në por diidxguijdx ni gunee reeman laaman guial naj reeman béndol.” ¹⁶ Lasa' ree bén guin achetczi ruladx reeman, abi' graczi rnueeguijdx reeman. Zianczi rüjn reeman zi'ctzi rën reeman, abi' zianczi ruza't laagajc reeman zagdxe ruza't tëë reeman bejn ree zagdxe din cwentzi güün ree bén guin ni rën reeman.

Mod rayal guiban ree xbejn Dios

¹⁷ Per läjt compniar raliduladx ree Jesucrist, rën da'tan läjt, gol basaaladx guial bén goc ree xi apóstoles Dad Jesucrist ¹⁸ rëb reeman: “Chi ma zidyob nit guidxliuj, chu' ree bén guze' gra ni zëed loj Dios güün tëë reeman zi'ctzi naj xixgabdxuudx reeman.” ¹⁹ Lasa' ree bén guin naj bén rlia' lasa' ree bén ma zinal xnejz Dios, abi' nabán reeman zi'ctzi rën reeman, ad yu't xSprijt Dios luxdoo reeman.

²⁰ Per läjt compniar raliduladx ree Jesucrist, gol guzudxi'ch loj ni rliladxidi, din guialrliladx guin zëed loj Dios. Gol gurejdx gunab Dios con xyudar xSprijtaman. ²¹ Gol basnuu gol binal guial

rën Dios la'tgaj cabëzidi guidxin dxej gunee Jesucrist guialnaban tiblayaa duloj ree guial rayaman dunuj ree.

²² Gol been yudar bén sta yu' nawëëg ree luxdoo.
²³ Gol been yudar bén zë ree loj nejzmal, zi'c rüjn tib bén rüjn yudar bén cayajb loj bajl, gol guyën reeman per ad chu'ladxidi zi'c rüjn reeman, gol gojp ciudad chitëë yabidi loj xtol reeman.

Diidx bigra ca ree loj gui'ch guie

²⁴ Yu' tibzzi Dios ca' guialrniabee par guiniaman läjt, chitëë yabidi loj dol, din chu' luxdoodi zagedxe sin dol chi guidxindi xanyabaa lod za'man.

²⁵ Laaman naj tibzzi Dios bén babëë dunuj ree loj dol por dux Dad ree Jesucrist, rayalaman respejt din gra naj xieenman, tibzzi laaman ca' guialrniabee con guialguxtis diizd gocli, yan con gra tiampczi. Amén.

Xtiidx Dios

New Testament in Zapotec, Santo Domingo Albarradas (MX:zas:Zapotec, Santo Domingo Albarradas)

copyright © 2010 Wycliffe Bible Translators, Inc.

Language: Zapotec, Santo Domingo Albarradas

Translation by: Wycliffe Bible Translators, Inc.

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Zapotec, Santo Domingo Albarradas

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022
fb4ebcb8-e1f4-5bfc-b08c-f590e137d86d